




अध्याय 3

होड़ाक् चितार बेक्नाव

नोआ अध्यायरे आमदो होड़ाक् चितार बेक्नाव रेयाक् आयमा लेकान होराकोम बाडाय दाड़ेयाक्आ। आमदो आमरेन गाते कोवाक् होड़मो बिसेसताको धेयानते जेलकाते ओना रेयाक् चितारेम बेनावा। इनाकाते आमदो सानाम चितार मित् साँवते मिलाउकाते मित् दोल चितार (गुप पोर्ट्रेट) एम बेनावा।

आमदो ओना नागामिया हुनार गोड़होन रेयाक्एम उतनावा, जाहाँरे होड़ाक् आयमा लेकाते चितार बेनाव होयाकाना।



0680CH03

आमेम जेलाकादा जे चेतलेका मिमित् होड़ाक् बेगार-बेगार एनेम ताहेंना। ओनकोवाक् किचरीच् बाछाव आर होरोक्-बान्दे रेयाक् आकोवाक् कारोन ताहेंना। मा, नोआको कारोनबोन तोलासा आर भाबिसोतरे आम चेत बेनाक् सानायेत् मेया, ओना हुदिसकाते मित् हुनार गोड़होनबोन बेनावा।





कामीहोरा 1: होड़ाक् चितारबोन बेकनावा

चेका आमदो जाहाँतिसेम हुदिसाकादा जे आबो सानाम बेगार-बेगार चेदाक्बोन जेलोक्आ, जाहाँ आबोवाक् मेंतहाँ रेयाक् आयमा हिसा मित्गे ताहेंना, जेलेका- मेंत्, मेंत्कुटी, मुं, मोचा, लुतुर आर उप्?

आमरेन गातेकोवाक् मेंतहाँ गोड़होन जेलमे। चेका आमेम पाछनाव दाड़ेयाक्आ जे ओनकोवाक् मेंतहाँ गोड़होन आमाक् मेंतहाँ गोड़होन खोन चेतलेका बेगार गया? चेका ओनकोवाक् मेंत् हुडिज गया से ओनकोवाक् बोहोक् माराड गया? चेका ओनको दो चोशमाको होरोगा? ओनको दो आकोवाक् उप् चेतलेकाको नाकिजा?

नोआ कामी-कासनी लागित् जुडी बेनावमे आर ए4 आकार रेयाक् कागोजरे आमरेन गातेयाक् चितार बेनावमे।

आमाक् चितार सानाम खोन नापाय होयोक् दो लाकती बाडकाना। आमदो ओनारे आमाक् हिसाबते बिसेसतेत्एम सोदोर दाड़ेयाक्आ।

स्टेप 1: मेंतहाँ रेयाक् आकार बेनावमे। चेका नोआ दो वृत्त आकार, माराड वृत्त आकार से बले आकार रेयाक् काना से नोआ दो गोल आकार रेयाक् आयत काना?

स्टेप 2: उनीयाक् मेंतहाँ गोड़होन रेयाक् एटाक् बिसेसताको बेनावमे। मेंत्, मुं, मेंत्कुटी,

लुटी, केवा आर लुतुर रेयाक् नाप आर आकार जेलमे। मेंत् ताला रेयाक् ठाँव, उप् रेखा ताला रेयाक् साँगिज आर लुतुर जेलमे।

स्टेप 3: आमाक् रेखा चितार जोखोन पुरावोक् तामा, इनाकाते ओना रोड बाबोत हुदिसमे जाहाँदो आम होड़ाक् चितार लागित् बेवहार सानायेत् मेंया।

स्टेप 4: आमाक् चितार पुराउमे आर ओना आमरेन गातेको उदुक्आकोमे। मेंतहाँ गोड़होन रेयाक् बिसेसतारे जेलोक्कान सोमान आर तोफाद बाबोत गालमारावमे।

स्टेप 5: आमाक् चितार ओनकोवाक् सोर ठेनखोन गेदमे।

स्टेप 6: कागोज रेयाक् थोड़ा पेज बाडखान जाहाँन एटाक् सामागिरी जोड़ावकाते मित् माराड सतह तेयारमे।


स्टेप 7: सानाम चितार जारवायमे। गोटा केलास रेयाक् दोल चितार लागित् बेबोस्ता गोटायमे।

स्टेप 8: गोटावाकात् बेबोस्ता लेका सानाम चितार लाठायमे। आमाक् केलास-चितार तेयारेना!

कामीहोरा 2: हुनारिया कोवाक् नाजेरत

होड़ाक् चितार दो, होड़ाको सोदोर रेयाक् मित् माध्योम काना। होड़ाक् चिताररे जाहाँय होड़ाक् मेंतहाँ गोड़होन, होटीक् आर दाबीरे धेयान दोहो होयोक्आ, ओनारे होड़मो रेयाक् एटाक् हिसा हों सेलेत् होय दाडेयाक्आ। हुनारिया आयमा एटाक् होरा तेहों होड़ाक् चितारको बेनावा।

आयमा ओकते हाटिजरे बेनावाकान बुद्ध आक् जाहाँटाक् चितारको जेलमे। ओना रेयाक् हिकमात् आर मेंतहाँ गोड़होन रेयाक् बिसेसताको तुलायमे आर ओना रेयाक् बिसेसतारे जेलोक्कान सोमानतेत् आर तोफाद बाबोत गालमारावमे।



आयमा ओकते-हाटिज आर हिकमातरे (शैली) बेनावाकान बुद्ध आक् हुनार गोड़होन।





कामीहोरा 3: इळ दोळ बेनावक्आ...

आमदो हारा-बुरूकाते एटाक् होड़ाक् जिवोनरे चेतएम एनेम दाड़ेयाक्आ?

चेका आमदो होड़को आकोवाक् बल्ब ठीक लागितएम गोड़ो दाड़ेयाकोआ? बाङखान नोआम गोटा दाड़ेयाक्आ जेमोन होड़ निफुटको ताहेंन?

नोआको काक्मी तुलुच् आपनाराक् चितार बेनावमे। जुदी आमदो बाम बाडाय़ा जे आमदो ओकाटाक् काक्मी होयोक्तामा, तोबे मुसकिल काथा दो बाङकाना। आमदो साधिनते आपनाराक् आयमा काक्मी बाबोतेम हुदिस दाड़ेयाक्आ।

आमाक् हुदिसरे जाहाँतिनाक्गे काथाको हिजुक् काना, ओना मुद खोन जाहाँन पेया खोन मोंडें गोटेन बेनावोक् रेयाक् चितार बेनावमे।

केलासरे सानामको बेनावाकात् चितार जेलमे। चेका आमदो नोआको चिताररे जाहाँनाक् बिसेसेम जेल जामेदा? से जाहाँनाक् नोङका जाहाँदो साधारोन खोन बेगार गया? आमदो ओकाटाक् चितार नापायेम जेलकेदा आर चेदाक्?



कामीहोरा 4: किचरीच् आर ओना रेयाक् काक्मी

जाहाँय होड़ हुनारिया कानाय से चासा, नोआ काथा आबोदो चेकातेबोन बुजहावा? चेका आबो सानाम होड़ चासाको बाबोत मित्लेका गेबोन हुदिसा से नोआरे जाहाँनाक् तोफाद मेनाक्आ? माबोन, बुजहावा!

आपनार हुदिसते चासावाक् मित् चितार बेनावमे। आमाक् केलासरे बेनावाकात् सानाम चितार जेलमे। बेनावाकात् चिताररे चासा दो आयो होड़ कानाको से बाबा होड़? ओनको दो चेत्लेकान गोठोन-मुठानरेन कानाको? ओनको दो चेत्लेकान किचरीच्को होरोक् आकादा? देलाबोन, ओना बाबोतबोन गालमारावा-

1. आमदो आमाक् चितार लगित् नोआ चेकातेम गोटाकेदा?
2. चेका आमदो आयो होड़, बाबा होड़ सानाम चासागेम जाम कोआ?
3. आमदो चासा कोआक् चितार ओका कोरेम जेलाकादा?
4. जुदी ओनको आकोवाक् किचरीच्को बोनोदोल लेखान, चेका ओनको चासाको ताहेना?

एमाकान चिताररे आमदो ओकाटाक् रूरुवाक् जोन्तोरेम जेल जामेदा?

जेलेका आमदो आपनार सिरजोन रेयाक् होय-हिसित्एम जेला, ओनकागे धेयानते होड़कोहो जेलकोम। दिसा दोहोयमे जे आबो मुद खोन सानाम होड़ाक् ओबोस्ता आर होरोक्-बान्दे हों हाहाडागे ताहेना।

आपनार आडेपासे आयमा लेकान काक्मी होड़ मुद खोन पे होड़ जेलकोम आर ओनकोवाक् चितार बेनावमे। ओनकोवाक् एटाक् होय दाड़ेयाक् काक्मी हुदिसमे।

नित दो आमरेन गातेको बेनावाकात् चितार जेलमे। चिताररे आमदो ओकोयको बेगार-बेगार होड़ेम जेलजामेत् कोआ? चेका आयो होड़, बाबा होड़ बेगार-बेगार काक्मीको सोदोरेत् काना?

नोआको चितार चासावाक् चितार साँव तुलाइमे। चेका आमाक् हुदिस सोदोर रेयाक् होरारे जाहाँन बोनोदोल होयेना?

जारी दोहोयमे- आम आडेपासे घारोज्ज आर सोररेन ताहेन होड़को जेलकोम। धेयानाक्मे ओनको चेतको होरोक् आकादा। आमदो चेत्लेका ओनकोको होरोक् आकादा, ओनकागे चितार बेनावमे। नित दो ओना किचरीच् होरोक् तेगे, मेनखान मित् आड़ी बेगार काक्मी तुलुच् उनीयाक् आर मित्तेन चितार बेनावमे। कुरुमुटूयमे जेमोन आमेम बेनावेत् चितार नापाय जेलोक् आर जेजेल होड़कोय उदगाउको।